

Grad Novi Pazar
Skupština grada
Odbornička grupa SDA Sandžaka
Novi Pazar
03. septembar 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O USLOVIMA ZA UČEŠĆE BOŠNJAKA U VOJNIM VJEŽBAMA I DRUGIM VOJNIM AKTIVNOSTIMA VOJSKE SRBIJE**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 04. septembra 2023. godine.

Predsjednik odborničke grupe
Ahmedin Škrijelj

Na osnovu člana 79. stav 1. tačka 2. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 4. stav 1. Zakona o zaštiti prava i sloboda nacionalnih manjina ("Službeni list SRJ", br. 11/2002, "Sl. list SCG", br. 1/2003 - Ustavna povelja i "Službeni glasnik RS", br. 72/2009 - dr. zakon, 97/2013 - odluka US i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 04. septembra 2023. godine, donosi

O D L U K U

**o uslovima za učešće Bošnjaka u vojnim vježbama
i drugim vojnim aktivnostima Vojske Srbije**

Član 1.

Skupština grada Novog Pazara traži od Vlade Republike Srbije, Ministarstva odbrane i Vojske Srbije da preduzmu potrebne mjere i radnje kojima će se osigurati da se pripadnici bošnjačkog naroda ne pozivaju na vojne vježbe i druge vojne aktivnosti, dok se:

- 1) ne sprovede lustracija u Vojsci Srbije i drugim sigurnosnim organima, službama i organizacijama zbog planiranja, organizovanja, izvršenja i prikrivanja ratnih i drugih zločina, torture, mučenja i drugih oblika kršenja ljudskih prava čije su žrtve Bošnjaci Sandžaka;
- 2) ne riješi ustavno – pravni status Bošnjaka u Republici Srbiji, odnosno dok se Bošnjacima ne prizna status naroda.

Član 2.

Odluku dostaviti Vladi Republike Srbije, Ministarstvu odbrane i Vojsci Srbije

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 4. septembra 2023. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Članom 79. stav 1. tačka 2. Zakona o lokalnoj samoupravi propisano je, da organi i službe jedinice lokalne samouprave u vršenju svojih nadležnosti podnose predstavke i daju prijedloge u pogledu postupanja organa Republike.

Članom 4. stav 1. Zakona o zaštiti prava i sloboda nacionalnih manjina propisano je da Organi vlasti u Republici Srbiji u skladu sa Ustavom i zakonom donose propise, pojedinačne pravne akte i preduzimaju mjere u cilju obezbjeđenja pune i efektivne ravnopravnosti između pripadnika nacionalnih manjina i građana koji pripadaju većini.

Statutom Grada Novog Pazara propisano je da Skupština grada Novog Pazara u vršenju svojih poslova, između ostalog, donosi i odluke (član 147.)

Članom 137. Poslovnika Skupštine grada Novog Pazara propisano je da Skupština donosi: odluku, program, plan, rešenje, zaključak, Poslovnik, deklaraciju, rezoluciju, preporuku, druge akte u skladu sa zakonom, Statutom i Poslovníkom.

Razlozi za donošenje odluke:

Razlozi za donošenje ove odluke sadržani su u potrebi sprovođenja politike i mjera sa ciljem da Bošnjaci vrata izgubljeno povjerenje u državne organe, naročito u oružane organizacije i službe koje su odgovorne za zločine i organizovani državni teror koji je sproveden nad Bošnjacima u Sandžaku. Upućivanje poziva za učešće u vojnim vježabama i drugim vojnim aktivnostima, koje je sve učestalije, sa pravom izaziva strah i uznemirenost kod onih Bošnjaka koji se pozivaju, kod njihovih porodica ali i cjelokupne društvene zajednice.

Ovom odlukom uređuje se način kako se može osigurati odgovarajući politički i društveni ambijent te definiše uslove i određuje put kako Bošnjake osloboditi objektivnog straha za život kada je u pitanju odnos prema oružanim snagama Srbije i učešće Bošnjaka u vojnim aktivnostima.

Bez sprovođenja lustracije i krivičnog procesuiranja odgovornih za zločine koji su počinjeni nad Bošnjacima i dok se ne riješi ustavno pravni položaj Bošnjaka, nije moguće očekivati niti je dopušteno postavljati pred Bošnjake obavezu da učestvuju u vojnim vježbama i drugim vojnim aktivnostima oružane sile koja je ubijala Bošnjake u Sandžaku i sprovodila politiku etničkog čišćenja.

Učešće u vojnim vježbama i drugim vojnim aktivnostima treba da uzmu djeca i rodbina političara iz Sandžaka koji podržavaju ovakvu politiku države prema Bošnjacima i koji su potpisali bezuslovan povratak sprske vojske i policije na Kosovo.

Objašnjenje pojedinih rješenja propisanih ovom odlukom

Član 1: Utvrđen je predmet odluke .

Član 2: Propisana je obaveza dostavljanja ove Vladi Republike Srbije, Ministarstvu odbrane i Vojsci Srbije

Član 3: Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje ove odluke nisu potrebna.